

CORONE Ptolem. ibid. hodie *Coron* vulgò. Eius Episcopus *Agatocles* Concilio Ephesino subscripsit, & *Aphobius* eidem Epistolæ.

HELICE Ptol. ibid. vulgò *Niora* Molano teste. *Dionysius* huius Episcopus subscripsit Concilio Sardicensi.

TEGEA Ptol. ibid. vulgò *Muchli* Nigro. *Orphelinus* huius ciuitatis Antistes subscripsit Concilio Chalcedonensi.

MESSENE, Mesena Ptolem. ibid. vulgò *Moseniga* teste Nardo. *Ioannes* huius Ecclesiæ Episcopus dictæ Epistolæ subscripsit.

NAVPACTVS Ptolem. eod. lib. c. 15. hodie *Lepanto*. *Calicrates* Naupacti Episcopus subscripsit Concilio Ephesino.

OREVM Soreus Ptolem. ibid. vulgò *L'Orio* Sophiano. *Theophilus* Orei Episcopus subscripsit Concilio Chalcedonensi.

PORTHMVS Notitiæ antiquæ Hieroclis, Propontus etiam dicitur in Concilijs, vulgò *Portmo*. *Athanasius* Proponti Episcopus legitur in dicta Epistola, & *Theodorus* Porthmi in Concilio Constantinopolit. Gener. V.

CARYSTVS Ptolem. ibid. *Caristo* etiam hodie Sophiano. *Ciriacus* Carystenus Episcopus subscripsit dictæ Epistolæ.

MARATHON Ptol. ibid. vulgò *Marathona* Sophiano, & alijs *Marathon*. *Triphonis* huius Episcopi subscriptio est in Concilio Sardicensi.

MEGARA Ptol. ibid. nunc *Megra* dicta. *Nicias* Megarensis Episcopus subscripsit Concilio Chalcedonensi, & *Agatherus* dictæ epistolæ.

THEBÆ Ptolem. ibid. vulgò *Tines* & *Stines* teste Sophiano. *Anisius* Thebarum Episcopus subscripsit Concilio Ephesino, & *Architimus* eidem epistolæ.

PLATÆÆ Ptol. ibid. non extat hodie hæc ciuitas. *Domninus* Plataënsis Episcopus subscripsit Concilio Chalcedonensi, & *Plutarchus* dictæ epistolæ.

OPVS Ptolem. ibid. *Domninus* Opuntis Episcopus subscripsit Concilio Ephesino, & *Athanasius* Chalcedonensi.

THESPIÆ Ptol. ibid. *Tespe* adhuc. *Rufinus* Thespinensis Episcopus subscripsit dictæ epistolæ.

TANAGRA Ptol. ibid. vulgò *Anatoria* teste Castal. *Isicius* huius Episcopus subscripsit eidem epistolæ.

ELATIA Ptol. ibid. Elatea Straboni. *Alexander* Elatiæ Episcopus subscripsit eidem epistolæ.

CHALCIS ad Euripum, Ptol. ibid. vulgò *Negroponte*. *Constantinus* Episcopus Chalcidis subscripsit dictæ Epistolæ.

CARSIA Epist. Synod. huius prouinciæ, fortè pro Caria, de qua Pausanias lib. 1. Atticorum, vel pro Corissia Strab. lib. 10. *Zoilus* Carsiæ Episcopus subscripsit dictæ epistolæ Synodali huius Prouinciæ ad Leonem.

STRATEGIS Thebaidis Colonia, est in Thesauro Goltzj. *Festius* Strategidis Episcopus subscripsit Concilio Nicæno, vbi ex Achaia dicitur.

SECORVS Achaia Ciuitas Episcopalis in Concilio Sardicensi, cui *Fremanus* de Secoro interfuisse, eius subscriptio testatur.